

2001-10-09
kioskoa**Pantxike Agirre****Gerra**

Gerra hasi dela, horiek ziren atzoko egunkarietako hitz nagusiak lehen orriko titularretan. Editorialetan, berriaz, Afganistanen kontrako EEBB-en erasoak bidezko zat jotzen zuten argudioak nagusi, eta eragozpenak gutxi. Gerra Al Kaedaren kontra hasi dela nabarmendu zuen **Le Monde**-k, eta ildo beretik, talibanen boterearen kontrako erasoak izan zela erasoak **El Mundo**-k. Justifikatua dagoela, baina haren eraginkortasuna ikusi beharko dela zioen azken egunkari horrek, «bereziki Bushek gerra hau gidatzeko duen gaitasuna».

«Erantzunen garaia» dela zioen **Liberation**-ek, baina, «ezin da bonbardaketa masibo eta luzea justifikatu, Afganistan ez delako helburu militar aski». **El Pais**-entzat ere «jasotako kolpearen erantzuna» izan da. Aznarren hitzak errepikatuz «bidezkoa den defentsa neurria» izan dela zioen Madrilgo egunkariak, eta estrategia horretatik «Ekialde Hurbila baketzeko eta nazioarteko erakundeetatik gidatuko den mundu justuagoa lortzeko bultzada» sortu behar dela. «Terrorismoaren kontrako gerra» dela zioten **El Correo Español**-ek eta **Abc**-k, eta ez dela hau Espainian aitzakiak sortzeko garaia. «Espainiako gehiengoaren babesa du Aznarrek. Ia oposizio guztia eren sostengua du, bereziki PSOErena, eta behar duena egiten du: bere aliatuekin eskuz esku egon». Jose Antonio Zarzalejosek Abc-n zioenez, «erantzun armatua saihestezina bazen, saihestezina da baita ere jarra politiko eta intelektualetan benetako asaldura gertatzea. Batez ere terrorearen inguruan negoziatu edo hitz egin daitekeela berriro pentsa ez dezagun. Salbazio bide bakarra, gainditzea da». Zuri beltzean «Gerra» titulu handia ekarri zigun **Deia**-k, eta giza eskubideak zorrotz betetzen diren zaintzeko eskatu zuen.

Egunkaria euskaldunon 3.367. zenbakia

Ohorezko Lehendakaria: Martin Ugalde**Administratzaile Kontseiluko Lehendakaria:** Joan Mari Torrealdai**Kontseilari Ordezkarria:** Inaki Uribe**Zuzendaria:** Martxelo Otamendi**Gerentea:** Mikel Sorozabal**Publizitatea:** Idoia Sanz**Egoitza Nagusia:** Gudariaren etorbidea, z/g 20140 Andoain Tel.: 943300222
Erredakzio faxa: 943300255-943590354 Publizitateko faxa: 943300707**Webgunea:** www.egunkaria.com**Posta elektronikoa:** egunkaria@egunkaria.com**Publizitatea:** publi@egunkaria.com

Batzorde Parekidea: 72664 E. Lege Gordailua: SS 800/90 ISSN 1134-640X
OJDK IKUSKATURIKO HEDAPENA

ORDEZKARITZAK ■ **Araba:** San Antonio, 20-1 ezker. 01005 Gasteiz
Tel.: 945233872 Faxa: 945233873 Publizitatea: Tel.: 945131965

Nafarroa: Irabie Monasterioa, 45-13. esk. (Irribarri dorrea) 31011 Iruñea
Tel.: 948178078-79 Faxa: 948178077 Tel.: Publizitatea: 948176686

Bizkaia: Egia Jenerala, 3-behea. 48010 Bilbo Tel.: 944104046 Faxa: 944103715
Tel.: Publizitate Orokorra: 944701199-80 Publizitate Lokala: 944701114

Lapurti, Nafarroa Beherea, Zuberoa: Pelletier 35, 1 503 Posta
kubxatila, 64100 Baiona Tel.: 559593575 Faxa: 559257511

martintxo**hizpideak****Bigarren erasoak
Afganistanen
aurka**

Bigarren egunez jarraian Mendebaldeko potentzia nagusiek Afganistani eraso egin diote, misilez eta bonbaz. Duela hamar urte Golkoko gerran bezalatsu hasi da borroka, baina oraingoan inor gutxik daki nola amaituko den. Bin Laden da Saddam Hussein berria, baina

orduan Hussein bakarra bazen, oraingoan, zenbat Bin Laden dauden ere ez da gauza jakina. Bushek dagoeneko esana du Afganistanen ondoren beste herrialde batzuek ere ordainduko dutela New Yorken eta Washingtonen jazotakoa, eta hau guztia hasiera besterik ez dela.

Duela 10 urte ez bezala, aireko militarrek bonbaz gain laguntza humanitarioa banatzen ari dira, afganistandarren kontra barik talibanen kontrako gerra dela erakusteko. Baina gerra guztietan bezalatsu hildako gehienak he-

rritar xumeak izan ohi dira, errugabeak, eta Afganistan ez da salbuespena izango: hainbat iturriren arabera, herenegungo erasoetan hildakoak 30 lirateke.

Munduko gobernu gehienak erasoaren alde agertu badira, herritarrek gerta litekeen erantzunaren beldur dira, eta EEBBetan eta Erresuma Batuan izua baino psikosia dago. Munduko egonkortasuna dantzan da, Afganistan, Pakistan, Ekialde Erdia... aztoratuta daude; Irak, Sudan... mehatxupear. Bushek dioten bezala gerra luzea izango da, baina ondorioak luzeagoak.



EEBBetako Enterprise hegazkinuntzia Indiko Ozeanoan, gerrarako prestatzen.

Linate aireportuan istripua izandako hegazkinaren arrastoak.

**Hogeita bost urte eta gero,
Kilometroak sendo**

Inoiz Kilometroak jaian bildu den jendetza handiena batu zen igandean Beasainen ikastolen aldeko Gipuzkoako jaian. Bertaratu ziren 120.000 lagunek erakutsi nahi izan zuten ikastolek erreferentzi izaten jarraitzen dutela euskal hezkuntza sisteman.

Agintariek eta ordezkari politikoek 25 urteko mugarrialiari zuten balantzea egiteko. Euskarak eta ikastolek urrats garrantzitsuak egin dituztela onartu arren, guztiak bat etorri ziren oraindik ere egiteko asko dagoela nabarmenzerakoan. Norabide horretan ikastolek, orain arte bezala, bidea egiten jarraitu beharko dute. Euskaltzaleek segitu beharko dute, igandean Beasainen egin bezala, beraien sustengua ematen. Horretarako, hilaren 21ean, zita berria dago jarrita Sartagudan, Nafarroa Oinezen.

Airez bidaiatzeko 'ausardia'

Azken hilabete eskasean jazotako gertakari garrantzitsuenek, edo garrantzitsuenetakoek, hegazkinak izan dituzte protagonista: irailaren 11n New Yorkeko Dorre Bi-kiei eta Washingongo Pentagonoari egindako erasoak, joan den astean Errusiako aire eremuan hegazkin israeldar batean izandako eztanda eta atzo Milango Linate aireportuan hegazkin batek eta abioneta batek aurrez aurre izandako talka.

Baliteke azken bi gertaerak istripu hutsak izatea, baina irailaren 11z geroztik gaiztotua zegoen aire konpainien etorkizunari kalte are handiagoa egin diete. Hegazkinez joan-etorriak egiteko kemena duten bidaiariak urritu egin dira, eta hegazkin konpainiek zailtasunak dituzte hegaldi eta langile kopuruei eusteko. Konpainietako askok jada iragarri dute langile ugari kanporatuko dituztela, diru galerei aurre egin ezin dietelako.